

安徽通志金石古物考稿

安徽通志稿

南陵徐乃

金石古物考六

石刻碑誌五

明

皇陵碑 在鳳陽縣

拓本高一丈一尺五寸廣五尺七寸二分
六行行五十六字字徑一寸六分正書

大明皇陵之碑

孝子皇帝元璋謹述洪武十一年夏四月命江陰侯吳良督

工新造

皇堂子時秉鑑窺形但見蒼顏皓首忽思往日之艱辛况

皇陵碑記皆儒臣粉飾之文恐不足為後世子孫戒特述艱難

明昌運俾世代見之其辭曰昔我



父皇寓居是方農業艱辛朝夕徬徨俄爾天灾流行眷屬罹殃
皇考終於六十有四

皇妣五十有九而亡孟兄先死合家守喪田主德不我顧呼叱

昂昂既不與地鄰里惆悵忽伊兄之慷慨惠此黃壤殯無棺

槨被體惡裳浮掩三尺奠何有椽既葬之後家道惶惶仲兄

少弱生計不張孟嫂攜幼東歸故鄉值天無雨遺蝗騰翔里

人缺食草木為糧予亦何有心驚若狂乃與兄計如何是常

兄云去此各度凶荒兄為我哭我為兄傷

皇天白日泣斷心腸兄弟異路哀動遥蒼汪氏老母為我籌量遣

子相送備醴馨香空門禮佛出入僧房居未兩月寺主封扉

衆各為計雲水飄颺我何作為百無所長依親自辱仰天茫

茫既非可倚侶影相將突朝煙而急進暮投古寺以趨踰仰

穹崖崔嵬而倚碧聽援啼夜月而淒涼窳悠悠而覓父母無
有志落魄而快伴西風鶴唳俄浙瀝以飛霜身如蓬逐風而
不止心滾滾乎沸湯一浮雲乎三載年方二十而強時乃長
淮盜起民生攘攘於是思親之心昭著日遥眇乎家邦已而
既歸仍復業于於皇住方三載而又雄者跳梁初起汝潁次
及鳳陽之南廂未幾臨城深高城隍拒守不去號令彰彰友
人寄書云及趨降既憂且懼無可籌詳傍有覺者將欲聲揚
當此之際逼迫而無已試與知者相商乃告之曰果束手以
待非亦奮臂而相戕知者為我畫計且禱陰以默相如其言
往卜去守之何祥神乃陰陰乎有警其氣郁郁乎洋洋卜逃
卜守則不吉將就凶而不妨即起趨降而附城幾被無知而
創少頃獲釋身體安康從愚朝暮日日戎行元兵討罪將士

湯湯一攫不得再攫再贖移營易壘旌旗相望已而解去棄
戈與鎗予脫旅隊馭馬控韁出游南土氣舒而光倡農夫以
入伍事業是匡不逾月而衆集赤幟蔽野而盈岡率渡清流
戍守滁陽思親詢舊終日慨慷知仲姊已逝獨存駙馬與甥
雙駙馬引兒來我樓外甥見舅如見孃此時孟嫂亦有知攜
兒挈女皆從傍次兄已歿又數載獨遺寡婦野持筐因兵南
北生計忙忙一時會聚如再生牽衣訴昔以難當於是家有
眷屬外練兵鋼羣雄並驅飲食不遑暫成和州東渡大江首
撫姑孰禮儀是尚遂定建業四守關防礪兵秣馬靜看頡頏
羣雄自為乎聲教戈矛天下鏗鏘元綱不振乎彼世祖之法
豪傑何有乎仁良予乃張皇六師飛旗角亢勇者效力智者
贊襄親征荆楚將平湖湘三苗盡服廣海入疆命大將軍東

平乎吳越齊魯耀乎旌幢西有乎伊洛南函地險河湟入胡
都而市不易肆虎臣露鋒刃而燦若星鉞已而長驅乎井陘
河山之內外民庶咸仰闕中即定市巷笙簧玄菟樂浪以歸
版籍南藩十有三國而耒王倚金陵而定鼎托虎踞而儀鳳
凰天塹星高而月輝滄海鍾山鎮嶽而巒接手銀潢欲厚陵
之徽葬卜者乃曰不可而地且臧於是祀事之禮已定每精
潔乎烝嘗惟叨勞罔極之恩難報勒石銘於

皇堂世世承運而務德必彷彿於殷商淚筆以述難諭嗣以撫
昌稽首再拜願時時而來饗

洪武十一年歲次戊午七月吉日建

按鳳書果束手以待非非作罪且禱陰以默相且作祈將就
凶而不妨就下有吉字即起趨降即下無起字從愚朝暮愚

作茲再獲再驥驥作攘赤幟蔽野而盈崗崗作岡外甥見舅
如見孃孃作娘禮儀是尚儀作義願時時而未饗願作顧當
以碑文為正

御製龍興寺碑在鳳陽縣本寺

拓本高一丈廣五尺二寸二分正書
行行四十八字字徑二寸

御製龍興寺碑

寺昔於皇去此新建十有五里奠方坤地乃於皇舊寺也寺
始刹之由為因果經兵廢其焚脩者不一况前無刊石可稽
故失始刹之由但知昔宋時先為金所廢後亦為元所廢諸
僧因兵而雲水不知何之者其數無紀惟一僧名宣者亦被
傷入鍾離舊城東嶽廟焚脩後金亡宋終元定天下其宣者
出城於瓦礫中建茅宇而度弟子以成其寺應供是方宣在

宋末元初作開山住持師徒相繼傳至住持僧德禔於元至
正十二年群雄並起寺為亂兵焚瓦礫荆棘三十二年朕常
思之昔幼時師高彬者託身於寺四年初棲之時其年蝗旱
寺罷僧飯師長弗濟彼時朕年十有七歲方為行童五十日
於教茫然因師弗濟且

父母兄長不逾二旬盡皆崩逝家道零落歸無所恃出無所怙雖
如是亦飄然西遊廬六光固汝穎三年後歸歸方四年天下
亂從雄倡義旅南入滁陽次入和陽已而東渡大江角立諸
雄又十四年息群雄即帝位統寰宇又十六年天下太康召
詢舊僧在俗願復為僧者許之惟昔住持德祝座下弟子善
把去鬚髮應召而至京師朕與之議舊寺之基去

皇陵甚近焚脩不便於是擇地是方寺成大臣入奏更寺名曰龍

興以善祀為開山住持。是時諸僧經兵日久，失傳授，怠記問。況平昔應供之儀，相傳訛謬，特召儀真地藏寺闍黎文彬者，講其所以文彬深通顯密之教，特勅翰林與是僧，將平日繁紊之詞，盡行刪去，定真析偽，以成科儀。越兩月而成編。時僧甚少，江東諸幼僧聞文彬奉勅官龍興寺，願為座下弟子者四十有畸。於洪武十六年秋八月，善祀授顯密法師。文彬授善世法師，會集諸方，願從焚脩者。大闡瑜伽顯密之教，是寺之建，非為求佛積福而建。止因幼託身於寺，四年寺因兵廢，其應供是方者無有。失孝子順孫慎終追遠之道，因此立剝之意，留心歲久，數欲為之，恐傷民資。若將民資，建寺求佛，福從何來。蓋民資勞於筋骨，力為之，而養父母，畜妻子，豈帝王不勞筋骨，以施而求於佛僊者乎。若以是而云，無乃佛僊不

可求乎。不然。佛之善。僊之化。世無上者。安有不可求之者乎。
所以民供朝廷者。為求安也。朝廷所以積倉廩者。為報功賞。
善以安天下也。故不敢不謹出納以應。

上帝豈肯恣意而糜費焉。因非帝王已勞而成資。資乃民力也。故
不敢輕用。由是不遂建刹之意。洪武初。欲以山前為京師。定
鼎是方。令天下名材至斯。後罷建宮室。名材為積木。因而建
焉。今也。寺成佛地已完。自建之後。凡焚脩者。願祝福於被役
軍民。令其已往。見存者。獲無量福於身家。是辭。每遇晨昏節
令。諷經回向。必依是諭。而祝永世無窮。而僧妥焉。故勅記之。
洪武十六年歲在癸亥九月吉日立。

中書舍人

□廷鉉謹書

拓本高二尺七寸五分碑正書殘缺廣不可計
行十一字字徑一寸七分

太祖高皇帝御製

朕為治國而晚眠臣為隨

朝而早起僧者剔燈而誦

經道者秉燭而演教商者

為利而辛勤農者耕鋤而

帶雨漁者居於綠水非氣

力豈得自□之食地土雖

寬非勤謹焉□充饑之粟

春若不耕夏無所望秋若

不收冬無所用一切之人

□日早起幹辦生理此為

將軍貴州衛指揮使司指揮僉事洪武丁卯年富征傷

詔許致仕遂歸故里奉守祖塋躬親播種以樂天年祖妣尹氏

先終贈淑人子男一人秉也先歿娶安定梁氏之女孫一人

能也時方四歲幼□襲承次祖妣周氏子男二人曰綱曰貴

綱襲明威將軍貴州衛指揮使司指揮僉事方承斯職蠻夷

初服四征弗廷踰五朞終于任所娶隴西李氏孫男一人曰

勤餘幼在室□孫□□洪武甲戌□□州衛指揮使司指

揮僉事娶南陽葉氏之女□孫一人曰羽未幾陞調懷遠將

軍鳳陽中衛指揮使司指揮同知祖父贈授皆同母封太淑

人妻封淑人餘如故以洪武二十九年歲在丙子四月二十

八日酉時以疾終于鳳陽府祖業之私第春秋七十有七天

乎痛哉能忍死卜是年五月二十八日甲申安厝于鳳陽府

欽舉公為鳳陽衛指揮專城禦侮鎮守臨淮公既承

命夙夜畏敬營繕甲兵增完城郭寬簡以馭下忠勤以事上端慤

處直事不失當居家奉母克盡孝謹遠近稱之建文辛巳初夏

八日俄嬰暴疾禱藥弗應越六日而疾殫甚上官遣人慰問猶

強起而執禮拳拳以不能報

國盡忠為言至於僚屬親友子弟妻媵無不備屬尚慮太夫人積

憂傷于尊懷見必勉加和顏以示無恙翌日冥然而逝嗚呼以

公之明敏特達之資宜貴而享遐齡然而年始二十九弗克至

於壽夭胡厚是祿德而闕其報施何其不幸以至斯歎公之祖

母尹氏先終贈淑人母安定梁氏封太淑人娶高陽葉氏清浪衛

千戶昭之女封淑人男三人長曰羽年方在髫而知其哀次曰

翥翰女二人俱幼遂以是年四月甲申安厝于魯山村於皇保

之原從祖瑩也公之叔二子曰熊曰勤願誌于石藏于墓以垂不朽請為之銘銘曰

勇而幹忠且孝幼而孤承母教任嚴准邦鎮衝要貴而不壽為之悼祔祖塋禮攸告子孫綿遠崇其道永永相傳振榮耀

建文三年歲次辛巳夏四月下澣吉日 鳳陽丁斌撰

南陵縣學進士題名記 在南陵縣文廟東

拓本高四尺七寸五分廣二尺四寸八分上截記文二十七行
行二十九字字徑七分下截題名三列每列行字不等均正書

南陵縣學進士題名記

嘉議大夫太常卿兼翰林學士

國史總裁南郡楊溥撰

奉政大夫吏部稽勳郎中兼翰林侍書廣平程

南雲書

中順大夫都察院右僉都御史吳興凌晏如篆

洪惟

聖朝廓清寰宇肇造國家敦復民彝丕隆治化用升于大猷篤惟

人才本之風教自京都及郡邑咸建學校簡師儒廣生徒厚

廩餼以要成效歲拔其尤者升之太學曰歲貢三歲大比上

之春官曰鄉貢進之

大廷賜對者曰進士誠盛典也

列聖相承五六十載之間禮樂教化彬々成風名卿大夫良有司

恒由是出然人望所崇則惟進士銓選之法亦惟進士不次

用之海內士子咸以是為榮也南陵古春穀今甯國屬邑山

水清勝民俗敦樸自昔多秀民若宋徐勣劉拯諸君子咸以

進士至大官事業論議載諸史冊逮夫

國朝由學校而邀歷中外者亦多其人然未有登進士第者容
城任倫秉彛來司教鐸嚴條約以振其頽靡新廟宇以啓其
瞻望廣學舍以資其游息由是士君子咸知嚮方力學待舉
而復甃石樹之學宮考前代進士題名於上

國朝鄉貢亦附其名以俟後之學者請余記之人才之生粟山
川清氣未始以前後為豐吝也顧學者自致如何耳傳說開
萬世論學之端曰惟學遜志務時敏易象震澤曰君子以勿
友講習然則為學之要孰有加焉學者於是以凝其道以充
其器以脩其辭出膺世用以堯舜君民為心為國名臣□□
□□又豈徒一第之榮而已哉古者賓興賢能歌鹿鳴以燕
樂之至於今猶然余固申之曰德音孔昭視民不怵嘉賓固
有之矣是則是傲尚有望於後之君子焉秉彛由進士起家

拜監察御史以母老乞教職就養南陵而倦於後學以求

副

朝廷建學育才之盛意可尚也已故為之記

宣德甲寅立石

唐進士

李脩大中裴休榜

張喬 □ □ 劉 □ □

駱用錫乾符張讀榜

宋進士

楊辯皇祐鄭獬榜

徐勣元功熙寧六年及第翰林缺下

錙極考脩熙寧葉祖洽榜戶部尚缺下

董必子種熙寧徐鐸榜知荆南遷龍圖缺下

趙金熙寧徐鐸榜禮部員外郎

楊誼 元豐時彥 榜中 轉運使

朱行中 元豐黃裳榜 海州通判

劉撫 元祐李常寧榜 博士

章偉 崇寧蔡薏榜

章履 大觀賈安宅榜

劉瑄 政和莫儔榜

沈允 脩宣和何渙榜

劉瑜 宣和何渙榜

方懋德 宣和何渙榜 丞

□
□_{缺下}

何 □ □ □ 信州守

范松 紹興張孝祥榜

昌永中紹興二十一年奏名第一

莫大猷紹興五十朋榜隆興通判

楊淵紹興梁克家榜句容令

孟綸乾道梁國口榜

葉三錫淳熙姚穎榜

凌采淳熙衛涇榜

鄧應元寶慶王會口榜

曹士莊淳祐劉夢炎榜

元進士

劉鑄至治辛酉宋本榜

以上第一列

國朝進士

成化辛丑科

陳效

志學任南京戶部主事陞本府知府

弘治丙辰科

吳景

伯陽任奉新知縣歷官四川按察司

嘉靖丙戌科

張貞

仲口任華容縣知縣歷官南京兵部

以上第二列

國朝鄉貢舉人

李開

永樂甲申科書山陰

范懋

永樂丙戌科福建都事陞同知

孫貴

永樂甲午科衢州府學訓導

謝勝

永樂丁酉科書

谷敬宣德丙午科詩固始縣學教諭

王憲宣德壬子科書訓導陞教諭

章俊宣德乙卯科書汝寧府同知

管導景泰庚午科禮州同陞

陳效成化戊子科詩

孫昊成化丁酉科詩

吳景弘治己酉科詩

陳孜弘治壬子科詩

范岡弘治壬子科詩

張鈞弘治戊午科詩

崔雲弘治辛酉科書

王木正德丁卯科詩

周儀正德庚午科詩

以上第三列

重建清溪道院碑記在南陵縣許村華東

拓本連額高五尺五寸許均正書額四行行二字字徑二寸許篆書

象瀟精澗鑑碑記

重建清溪道院碑記

直隸安慶府懷寧縣儒學教諭廬陵周覃子葛撰

奉訓大夫陝西西安府同州知州同邑秦銘書丹

中奉大夫兩浙鹽運使司運使同邑丁鑑篆額

清溪道院隸寧國南陵縣治北參舍許溪流環其前松竹聳其

後宋嘉定己卯間有顯官趙煥董郡之玄妙方士曹希明始開

創之經今數百年雨淋日炙棟宇朽弊我

大明洪武丙子方士何宇中由邑之承天觀受業永樂己丑覩茲
院之荒涼遂住持焉宣德戊申為知者舉拜官道會歲壬子率
其徒徐永良張永清傾己資仍募緣善信貰木它山鳩工于院
始工于壬子玖月卒工于甲寅拾月殿閣門廡煥然壹新塑像
端儼金碧熒煌十方之來游來觀者莫不敬禮感發其善心正
統庚申夏予便道南陵宇中具告其事請記之嗟夫老氏以虛
無為教陰翊

皇度若龍虎之張輿

國同休為其徒者傾貲以營繕其殿閣門廡莊嚴其像啓萬信之
敬禮其宜然也予豈靳於言乎自茲以往繼宇中之後者遇有
踈漏即修葺之俾萬億年有永無替則不惟不負宇中師徒重
建之難亦且不負為其徒而振其教也遂書勸以傳不朽來者

勉之岢

正統陸年歲次辛酉玖月庚申吉日立南陵道會何宇中承

天觀住持師弟方志中李茂中住持徒徐永良張永清徐

誠永李廉何永何恭徒孫何興趙宗黃汪昌談隆浮城

道明黃塘惠勝善友朱景崔維嵩章文弘

碑陰

拓本連額高尺寸廣二尺六寸上記二十六行十七字
字徑七分書下題名泐額六字平列字徑二寸四分篆書

蕭管樂助也碑

清溪道院者南城著姓趙氏之所建也蓋

五九府君藏主於其所顯官名煥字

文子沒墓其處其孫直養知建昌軍權中

順大夫於宋寧宗之世嘗扁其墓庵曰清

溪始召學道之士曹希明開創主營寺庵
爲□田四十畝繼奉祀焉庵建於宋嘉定
年間迄今數百載祀歲月既久棟宇頽弊
塑像凋落弗稱觀仰

大明永樂己丑南陵道會何宇中未拜官時

憫其道院荒蕪遂任持焚脩畜其賞典其

徒徐永良張永清□掄材命匠然以方外

之士所積不克其費遂持疏遍謁舊家望

族以樂助之工始于宣德壬子九月工成

于甲寅十月棟宇塑像□新巍煥江山壯

嚴教門聿興宇中不昧其初立石勒名俾

善信樂助不惟受福於無窮亦且使其子

孫百世知前人之積善有自來矣求予記

予已記其重建之由嘉字中之不沒人□

遂謂之曰在易有云積善之家必有余慶

今士人陳善勇朱昂王珪輩捐貲以興道

院其善念若此求其不善必無矣善信陳

普勇朱昂王珪輩之本支百世享其報有

□□矣予重字中之厚□人又重善信名

陳普勇朱昂王珪輩輕財好善遂書其事

俾勒石而傳不朽云

正統陸年歲次辛酉九月庚申吉日道會何字中

重建安慶府學記 在懷寧縣文廟

拓本高五尺一寸廣二尺三寸四分五分
行行四十一字字徑一尺一寸五分
行行四十一字字徑一尺一寸五分

重修安慶府志

二行行四字字徑四寸五分

重建安慶府學記

光祿大夫柱國少保禮部尚書兼武英殿大學士國

史總裁同知經筵事南郡楊溥撰

奉政大夫脩正庶尹禮部郎中賜食三品祿直文淵

閣永嘉黃養正書

中順大夫太常少卿兼經筵侍書廣平程南雲篆

安慶畿內郡

胡廷慎擇守長以宣政教為京師馮翼篤近而舉遠也正統三

年春雁門王璜子玉以進士授中書舍翰林來守是郡謂

政化之興係學校必庶而富而後有成績於是均徭役平賦

欽慎刑罰。邱困窳由。嚮安得務本以資衣食。乃惟學宮歲久朽壞。聖賢儀象日就剝落。無以廣士子嚮慕之心。而於祀典。及僚友謀及父老用圖。維新翕然大同。於是相率僚友捐俸廩。購材陶旒。父老富民量力資助。由是備乃撤。撤構乃拓舊址。汙者平之。虛者實之。卑者崇之。隘者廣之。剝者飾之。曾不踰年。廟宇孔伋。儀講堂齋舍。高明宏敞。儲廩有庾。會食有堂。以至士子游憩之所。下逮井湑。咸底完固。由是丹牘黝沐。暎周旋俯仰。儀槩森嚴。告成之日。吏民瞻望起敬。咸謂聖道允為世所崇。而士子益知嚮慕。樂於游成德郡。博士建昌吳克謙具始末請記其事。余惟自古學校興廢。顧上之人躬行何如耳。傳曰君子天下平。本乎知遠之近。知風之自也。成湯克用三宅三俊。四方丕式。見德必曰用協于

商邑也方今

聖明在上懋昭大德丕隆治化畿內守長尤重其選王君由

禁近出守克崇學校教民育才以副

聖心明良相逢致治之效將儷美於唐虞三代斯世斯民抑何幸

歟是為記

正統七年歲次壬戌長至日立石教授吳克謙訓導楊

庭春余大和李齊名周仁泳

來安縣儒學科目題名記在來安縣

拓本高不可計廣二尺六寸上記二十七行
五十字字徑七分下題名失拓均正書額佚行

來安縣儒學科目題名記

賜進士出身中憲大夫南京太僕寺少卿前吏科中事

天台魯崇志撰

賜進士出身亞中大夫南京太僕寺卿盱江鄭永忠書
賜進士出身嘉議大夫南京戶部右侍郎致仕和陽馬□

□篆

人才果本於地里乎抑繫於習尚乎如地里也均是地也人
才固有畜於前而豐於後者亦有畜於後而豐於前者未知
以地里論也蓋亦繫乎習尚焉耳人才繫乎習尚則夫迎人
才之機當政教之責於其地者鼓舞作興之道又可以地里
有異哉成化四年監察御史陳公士賢奉

皇上勅提調南直隸學校事比至凡其所以作新士氣培養士習
與夫學政之當脩當舉彞倫之當明當敕既悉遵奉

祖宗成憲暨今

皇上勅旨體而行之士既克勤教無所□復思之曰人才致用科

目為先不可無所振起乃命所司各立石於學取自
國朝以來出自庠學登名進士暨薦名鄉書者刻名其上其將
來之登薦者俟其成而例刻之蓋倣大學進士題名之制而
推廣之計以庠序之士朝夕是覩而於觀感為易興起尤速
也至是來安知縣趙禮用公之命將事立石而偕其儒學訓
導吳誠陳惠來謁於余恧且言曰禮等不敏忝政教於茲土
豈其地之乏於人才乎何科目者之不多見也考自設科迄
今百年領鄉薦者雖僅有之求其登進士者未始之有顧無
以副科目題名□意敢蘄執事一言以識其首為諸生勉庶
幾其後有可望焉余曰子之言善矣雖然人才豈以地里為
有無哉今夫珠玉犀象希世之寶也或地有之或地無之此
可謂地里也若夫人才其生也稟乎扶輿清漉之氣是氣流

行乎宇宙之間曷嘗有彼此之間哉故曰何地不生才而孔子亦曰十室之邑必有忠信如丘者焉不如丘之好學也則人才不繫地里繫乎習尚也審矣繫乎地里者不可以其所
有責其所無繫乎習尚者不在司政教者有以起之乎起之
有其道而人才之不盛者未之有也起之無其道而人才之
能盛者亦未之有也余聞昔閩人未知學常衮為建學校訓
教諸生而後閩人始知文學之重始潮人未知學韓昌黎命
進士趙德為之師自是潮之士皆篤于文行迨及齊民蓋至
于今
國家取士閩與潮之士往往偏多他地者未為無所自也矧來
安為滁屬邑密爾金陵我

太祖高皇帝龍飛之初又為過化之地漸磨仁義陶鎔禮樂深且

久也茲提調公又為是舉所以鼓舞作興之者復無不至夫
人才畜於前必豐於後是碑既立寧不有豪傑之士奮然而
起登名進士自我作古者出開先多士以為邦人之望文行
事業卓卓當世以為後人之法而後之人又將無感慕興起
策名科第以求儼美前人者乎近見三年拔其尤又三年拔
其尤辟之崑山之玉愈出而愈奇辟之鄧林之材益久而益
茂則他日之來安人將指為人物之淵藪又未必不自今始
也地靈人傑行且為斯邑是誦尚何其地之乏人乎尚何其
地之乏人乎庸書以為俟而實在爾多士之加勉焉是為記
成化四年九月吉日

主簿殷全

典史鮑光顯

同立

重建

舒姑廟記

在石埭縣

拓本高四尺四寸六分廣二尺四寸二分
二十三行行四十六字字徑八分正書

重建舒姑廟記

縣治之南一舍計有山曰蓋山山下有溪曰舒溪邑人舒氏世居焉西漢時舒氏三女生而卓異當入山採藥遇姊妹分食之遂登仙去其母曰其信宿不歸尋至溪濱見三鯉遊泳若將來迎母嘆曰此非異女乎生平好音樂遂絃歌水上周旋應節自是鄉人立廟以祀之水旱禱祈其應甚速

皇宋紹興十七年

勅賜昱濟廟建炎戊申縣令沃彥重修葺之洪武初以兵燹幾廢矣處其地者若陳均友松施其田地借一二義士捐資命匠造其殿宇飾其聖像翼以廊廡繚以垣墻廟貌於焉而一新山川於焉而出色既而友松曰泮水之青於拜庭下而成礼求記於余辭氣懇切遂不獲辭竊惟忠臣烈士有切於民則祀之能

禦大災祀之能捍大患載之青史耿耿不磨三聖維女流也水
旱疫疾禱祈有應非有切於民而禦災捍患者乎噫忠臣烈士
有切於明显者也三聖有功於幽微者也有切於明显□可以
力而能有切於幽微者難以強而致難而強致之切而陰祐其
民其與可以力而能者非特與之頡頏而殆有過之者宜其鄉
人重之

朝廷崇之而廟祀之也余生長是邦而稔知其事既為記其實矣
文作迎送神辭俾歌以祀之云

山明兮如蓋 水秀兮清冽 天設兮神烏 地灵兮人傑

三女兮適生 彤丸兮骨蛻 入山兮採藥 遇桃兮分食

越信宿兮不歸 勞母氏兮尋覓 三鯉遊泳兮未迎 絃歌

水上兮應節 水旱禱祈兮隨感而應 四民仰戴兮朝廷賜

額 旨酒既清芳犧牲以潔 廟食于茲芳綿不絕

鄉進士奉議大夫江西贛州府同知章廷珪拜撰

今將施主所捨田地資財并自買田開載于後

一信女胡氏貞奴同男陳明礼天順八年喜捨土名法洪坑

口廟基地壹畝東至山口南至坑又捨廟門前田貳畝共伍

北至坑南至又隔坑坎田壹畝五分共二坎東至路南

又蓋山下田壹畝八分共十畝東至坎西北至塋以上共田

地陸畝叁分

一本廟普亮惠然買楊妹蓋山下田伍分西南坑至山又法

洪坑口田肆畝東至大山北至坑又買陳祖閔蓋山下坑共

田壹畝在四至

一施主陳瑞 陳志光 陳璞 陳旭各助銀伍錢 楊妹

減田銀
五錢

徐堯瑛

徐信安

鄭琳安

住持僧人

普亮

道友惠然全立

大明成化十六年八月

開化匠工倪德仁刊

重修清涼寺碑記 在潁上縣

拓本連額高五尺九寸廣二尺四寸記十六行行四字字字
徑一寸題名四行行字不廣二尺四寸行三字字字字字
徑一寸題名四行行字不廣二尺四寸行三字字字字字

重脩清涼寺記

重脩清涼寺碑記

承德郎直隸鳳陽府壽州同知閩汀廖輔謨文

大明成化丙午夏四月住持清涼寺僧心海暨叅學門人澄

圓字大方傳沙門教於祖雲禪師也禪師字秀峰西蜀富順

名僧續臨濟下第二十四代嗣法從天城山石經寺楚山和

尚之高弟飄然有超凡脫塵之想遊方底潁上南去三十五

里同丘村住錫一觀斯寺之類久慨然以興廢為己任乃謀
諸守禦賴上千兵姚公鑑暨其嗣揮使姚公洪發心喜捨資
財仍募衆善攻石掄材首建大雄法殿五楹重簷邃闥肖以
如來像設飭以金碧爭輝殿之前為天王殿及豎山門塑金
剛神列像以翼左右東西夾以長廊曳以兩廡有方丈有禪
堂有廚庫有齋堂惟稱華彩一致間架楹棧不可殫紀又如
甃以石道繚以垣牆結構精緻煥然一新金紫照耀佛日增
輝觀者無不讚歎未幾師疾歸世迺成化二十年五月也大
方立石來述其事請予記以垂不朽嗟夫自佛法入中國歷
代崇尚其教梵宇遍天下而皆據乎名山巨鎮極乎侈靡而
同乎王者之居何也蓋以如來之教以善心為本以空寂為
至無人無我而不治不亂者也今

國家以仁覆萬物利益群生是以瑤其臺瓊其室而莫之禁者無
非冀其化民歸於善也已矣己心苟善則萬類歸善矣所謂
三千大千之界恒河沙數之衆萬億無盡之劫豈能外乎吾
性分之一善哉夫清涼之初之廢誌詳不考今重建也自秀
峰而大方慇懃二十餘年克至大成可謂師世相承能傳心
印而有功於教者矣可謂克克善心豈他衆泛泛求真利福
於一己者之可比擬哉是可尚也已故樂記以詔來者

成化二十二年十一月一日吉續臨濟下弟二十五代嗣法

遠孫澄圓立石

正千戶

高
清
吏目
李
灝

百戶
顧
通

蘇
英

馬
鏌

孫
顯

張
武

張
勇

韓
相

謝
釗

魏
勝

楊
鎮

徐

鵬

余
隆
鼎

穎上守禦所指揮僉事姚洪副千戶郭欽周玉王欽

李銘金章張英鎮撫張雄丘清義官姚淳

□讓郭安總旗劉寧王亨葉鳶

穎上縣知縣王黼主簿邵泰典史郝傑訓術劉翰

訓科名駮驛丞季倫王俊德大使崔允僧會□

□住持姚永珊

儒學教諭林汝明訓導張儼劉禎監主姚溥姚

漢姚灑應襲武生姚繼宗石匠龐美柳林鐫

名宦題名記在宣城縣

拓本連額高四尺九寸廣四尺三寸刻上記三十四行字徑六分行書下題名行字不等正書額二字平列字徑七寸篆書六

碑

名宦題名記

寧國古郡也秦為鄣漢為丹陽

為宣城宋齊為宛陵為宣州唐為

都督存大宋為寧國軍大元為

寧國路為廉訪司或置太守或

刺史內史總管觀察使至我

國初改為寧安府設知府尋又改為寧

國焉前後仕于此者未易指數也然

其間德業之隆盛文行之純全聲

光之休美見諸當時而赫然傳諸後

世而愈芳銘諸人心而不泯者則謂之

名宦蓋未可多得也夫既不可多得則

於其既沒而祀之也宜府治之後舊

有樓焉既高且大緇衣君子衷諸各

宦位次於其中祀以奉春秋仲月盛

事也特未知始於誰而亦未有記其

事者吉忝守於此之二年懼其久

而或廢也乃命良工琢良石勒諸公之

氏名又稽諸史志掇其政蹟之大端

而疏於其下庶先哲之遺休亦擊目

可得而後人仰止崇祀之典□繼於有永

矣雖然古今異時而官之設所以為民也

有功德於民者始享斯祀否則

不與焉又可以見斯祀之舉豈私

於吾先哲哉重民故耳兀我

同志幸毋忽其所重云

大明弘治二年己酉秋□月初吉

賜進士出身中順大夫本府知府

前刑部主事天台范吉以貞撰

并書

同知樊儀 通判朱臣

推官陳常 燕忠 經歷郝鸞

知事李慶 照磨李明

檢校張俊 立石

第二截

漢

□ 疎儉字伯持於後封淑人德侯陽太守博學通洽體廉

李忠字仲都東萊人光武初為丹陽太守第一招懷降附

馬稜字伯威發兵掩擊元中江湖多劇賊以稜為丹

三國

滕胤字承嗣吳北海人有節操年三十為丹陽太守

晉

桓彝字茂倫譙國臨汝人明帝時補宣城內史有惠政起兵

南北朝

謝眺字玄暉南齊當塗人詩文名明帝持為宣城太守有德政

何遠字義方梁東海剡人武帝擢為宣城太守扶弱抑

隋

王選字周阜為城人開皇中為宣州刺史始營州之西

周超字唐武德元年隋末任宣州刺史盜朱粲寇掠諸

唐

裴耀卿 字尚煥 之厚位至 開元間 任宣州刺史首務教化

班景倩 字使燕介 不阿 開元 癸丑為任宣州刺史 燕江南西道 探

竹承構 字使燕 貪 開元 景倩 宣州 刺史 燕江南西道 探訪

裴惇復 字使為治 務大 開元 未任 宣州 刺史 燕江南西道 探

崔瑀 字使通 商惠 開元 中為 宣州 刺史 薄稅歛興

崔衍 字使著 深保 定人 天保 未為 宣歙 觀察 使 政尚簡靜

穆贊 字使相 欽明 觀察 使人 興元 間 任御史 中 賦丞 執法 忤時 相 遭貶 尋

顏真卿 字使預 清臣 戰具 人人 賴乾元 間 任宣 潤 等州 節 度觀察 使 劉展

崔羣 字使賢 武城 人 貞元 壬午 為 宣州 幕 韓愈 極

裴休 字使公 美濟 源人 大 信 戊辰 為 宣州 刺史 所治

獨孤霖 字使政 嘗建 壘 人咸 通 辛卯 為 宣州 刺史 有

王凝字成庶堅守巢不能乾符初任宣歙觀察使時黃巢寇宣州凝

宋

林仁肇字山溪建陽人開寶初任宣州刺史始築新城

田錫字聖雅大人介嚴恭太平興國間知宣

晏殊字同叔大名府人召拜中丞為樞密事出知宣州數

胡宿字武平晉陽人清慎忠實臨事不妄發嘉祐

第三截

彭思永字發官更以吉州人皇祐間知宣州脩廢政撫凋瘵奏

呂誨字處可安次人為直聲縣簿不阿附官長熙寧

劉安節字原成溫州人知宣州謹程式不事刑威郡大水民

張杲字人乃免之次日公抱州冊至澗果遇一老患宜水亦暴至

公懇口不得免遂抱冊入水死之水即止城賴不沒

國朝

陳灌

清字介剛將廬陵人除害勸學重農初年知寧化大府得亞代民皆

□ □ 之

羅觀

稱字後陞廣東州按察使戊寅為同知佐理有方以廉能

文敏

得字體百姓愛慕之永樂丙申為通判勤敏有為佐理

宋獻

私字謁九載秩滿人永樂乙酉知寧國府廉謹有為門無

王樞

□字獻疑獄三載人無口冤監生考為推官最民皆稱之吏民信服

袁旭

□字延肅善安人理公知寧國學校城橋斷一扶皆新之強百廢

具舉 □ 最蒙 □ 旌資

葉錫

乙字丑述職治行人課為天間下知一府事清介簡靜有德政

沈性

橫字歛士深會稽人天順戊寅知寧國府廉靜不擾痛革

劉誠

嘗字敬邨之志秩滿人陸湖廣參議同知素行孝友為政簡靜

石巍

字民望曹州人陞山東解元登進士擢武選主簿以公平人懷

之

及宦

重修南安山崇明寺朝陽院記

在石埭縣

拓本高四尺八寸廣三分二寸二十行行四十八字字徑八分正書額佚十四

重脩南安山崇明寺朝陽院記

賜進士第中憲大夫奉

勅提督屯田雲南按察司副使致政邑人李廷璋撰文

欽授文林郎直隸池州府石埭縣知縣安福蕭環篆額

欽授文林郎四川嘉定州夾江縣知縣邑人陳廷實書丹

石埭舒溪之南有山自雞籠山迤西南而來蜿蜒數十里磅

礴秀麗松栢蒼翠四時一色可觀可愛號曰南山山山之下

有田數頃有寺曰崇明其來甚古創自大同二年

賜額于太平興國五年歷年僧會司俱設于斯

國朝洪武永樂間奉

例歸併叢林凡寺之有僧者俱歸併本寺由是寺益大初有

東西二院僧徒既衆田業亦廣尋西院廢壞止存東院今所

居者實東院址也西院田業則已散落民間矣東院田業則

少存焉先是殿宇壯麗廊廡脩整元末遭罹兵燹遂至寥落

獨所存者又止只觀音殿而已風簷脫落椽桷傾圮殆不可

支宣德正統間有僧曰明性曰智誠曰善仁曰福瑢者俱持

循戒行人也暨擅越先居士奇輩後先相望鳩財募工重建

法堂五間遂改本院爲朝陽院觀音殿則葺而新之左偏則

建以鐘樓右偏則建以輪藏凡若干間其輪藏實惠亮法師

之力也方丈有室廊廡有次其重簷大棟皆繪鏤粧嚴黝亞
丹漆輝映金碧誠可謂一時之大觀也獨佛像山子與夫觀
音殿後上枋俱仍舊物然枋亦仍其舊者蓋以山子所碍故
耳要亦木工之巧也成化十有五年惠亮法師衆所推薦爲
僧會喟然慨夫殿宇齋舍雖已完美而甃砌未備亦未爲盡
善復率徒普淵命工措集磚石磨礮而甃砌之焉不越月告
成走書請予記夫事莫大於與人爲善也浮屠氏事雖涉於
空虛求其迹亦可以與人爲善也彼智者也固無待於彼也
彼愚者也雖諄諄善誘有不能化而入也使聞彼之言則或
足以畏其心而不敢爲惡而有以慕其善而爲之也是雖誠
偽之不同亦可以與人爲善也抑末矣本之則無如之何哉
茲因其請併書此謬言以復之若夫持守脩葺之勤尚賴後

之人云時

弘治庶成十有一月朔日僧會惠亮立石 寡緣弟子普淵

僧徒普溶 志嵩 禎祥 進芳 觀宗 志□ 志榮

石埭縣主簿馬浩 典史陳海 師姪普海 普洪

儒學教諭謝復 訓導靳泓祖 致仕官夏政同妻呂氏

會安人 義官李子澄 李子茂 李子銘 壽官李子

隆 谷九孫 黎文盛 黎文昌 關化匠氏程佛興鑄

重修土主工山廟記 在南陵縣工山坊

拓本連額高六尺八寸二分廣二尺九寸八分行 字不等字徑八分正書額四行行二字字徑三寸三分篆書

重脩土主工山廟記

工山碑記

南陵工山神祠在縣西去十五里元季毀於兵革

國朝肇建於洪武初至永樂間復壞洪熙乙巳神裔孫何時中維
中子嚴以清協心昇造至正統間時中從子以先子以傑以清子
讓道謙々子鋼孟堅即今求文者也相繼善脩而廟貌為之煥
然一新□□經歷歲月既久風雨何摧不免有所朽壞也成化丙
午歲邑大夫沈侯因民苦於亢旱詣廟祈禱雨澤見其朽壞心切
憂之欲重建之顧財無所出欲脩緝之顧人無可托以故又命□
奉募緣故事以脩理之必如此則庶□財有所出而事可為奉人
得所托而功可責成固不擾於官而亦不厲於民也鋼告以年邁
力衰為辭侯讓之曰吾聞神為尔之鼻祖也子孫世系其蔭當圖
報如不及可也而何以辭焉乎鋼遂領厥命乃詣廟一視凡所宜
脩之處成功之期與夫當用之費皆筭記無遺遂歸先所藏市材
召匠乃責厥子淵字源明行募緣事以繼之鄉中為首者□□張

旭何傑張錫張□□□沈□孫寬義王鼎王琇周昂吳恭慶暹孫
釗孫鍾汪潮吳江等各緝出財淵所募得錢穀之屬錙銖悉歸於
公秋毫無入於己此其所以凡百雜後之廟內飲食之費皆有所
出而無所顧慮則其奉事之易成功之速蓋已有所自矣况所用
脩緝者正廟行祠五顯神樓東西廊各三及門墻八字并焚楮錢
磚亭亦此重為增立厥功亦以大矣經始於春而落成於秋首尾
計四月有余且能外極觀好內極堅固而非謂苟完苟合苟美者
矣故遐迩來觀者莫不羨邑宰之任使得人苟非其人豈不至徒
靡錢穀而弗克成功者幾希由是廟隣者葉樺□□於邑侯侯遂
敦礼徃勞之且命之曰尔世系實出於神今克圖相如此則神之
垂統之善亦以彰矣宜為之記以表之於將來者歟今年春予始
以教政歸田里鋼乃躬造予門且以告予而求文為記予以遊宦

數年久興筆墨契闊辭以再四鋼請益予寧容已於言乎予謂水
之枝葉必本於根水之流派必出於源根固者其枝葉必茂源深
者其流派必遠此理之自然也故觀人之家世之□□□其祖
宗之垂統可如耳垂統而善焉則其根固源深而其末裔昌大也
必矣予嘗考其春谷誌初為郡主簿再補吾邑令卒以孝名於世
誌書神生於晉諱琦字萬倫號□公祖□□□晉後□□□為
淮南內史其後別從弟司空□以其涑陽令秉為之也親既喪始
隱於朗陵山之陽後遇神女於工山之□巔上長林鄉之何家會
者子孫之世居進德鄉之青園則鋼之遠祖□□公□□□居也
自晉以來□□相□代不乏人奉於表可者言之唐有蘇州刺史
恕揚州觀察使懷仁宋有秘閣校理□監察御史□聖忠義氣節
皆足以光昭於前脩而輝映於來裔無一奸邪□有以玷祖風者

也登於元□□□□□為綱之高祖也以忠勇為珠虎符為民
兵萬戶至正乙未歲我朝先望義旗首

太祖高皇帝龍飛淮甸師□大江應龍克知天命有在來降從後王師

著功代者已備載於名臣錄而垂之不朽矣生五子俱賢曰守中

信中維中時中執中今世其官於雲南者則執中之與也維中子

以清亦遵遺訓睦族同居其家政井然有條足為鄉閭表率雖唐

之張公藝今之鄭浦江亦莫之過也以清子讓道謙孟脩宗政克

壯前猷景泰間應募輸粟恩榮義門傳及於綱則其支屬之蕃宗

道之盛又有大非若此遂甲於南陵之望族焉予聞霍光漢社稷

之忠臣也死而未寒子孫誅夷已尽房杜唐開國之元勳者也沒

而未幾宗門蕩廢無遺今何氏司神以來殆今千有餘年而其枝

葉益茂而不衰流派益遠而不竭抑何致歟善由神之反風息火

錄 鋼甥坊市葉樺同助貲財

鋼子淵字源明行元一子從潤洪浦淵三子松字景清

栢字景秀 桂字景芳 典廟者方洪

神君始居八都何家口同心助貲裔孫何清 何連

何傑 何偉 何槐

皇明弘治四年辛亥歲姑洗月 吉 旦裔孫青園何鋼等立

重脩太平儒學記 在太平縣文廟

拓本連額高四尺五寸廣三尺二寸五分八行行三十六字字徑九分正書額七字平列字徑二寸五分篆書額上有雲日雙鳳形

重脩古平儒學記

本學訓導遂溪王冀篆蓋

本學訓導巴陵何鏡書丹

賜進士第資善大夫禮部尚書樂安謝綬撰記

志太平舊隸宣州涇邑統唐天寶十一載始割龍門鄉以南為
邑邑初勅嘗並建學宮于其西一時人才漫不可攷至宋嘉祐
中孫先生覺以一代名人來知邑事乃徙其左而稍前之背通
衢面秀嶺黃山三十六如列戟然于時廟貌尊嚴制度一新仕
宦有焦炳炎煥炎輩出焉茲學遂為屬邑冠至正壬辰以兵燹
蕩盡

國朝混一六合漸次恢復令尹李簡蔣忠嘗留意于此科第又有
王槐王良程鵬輩五七人出焉茲學亦不在諸邑後景泰以來
日就圯墜數十年間太平獨以陋稱官於此者徃徃以乏人為
患弘治壬子進士傅平張君來長是邑久之願學興喟曰此吾
責也乃以義倡邑氓之有力者大脩之方度材庀工而予邑鄙
君賜適來掌學事慨然有志於振舉遂聽其胥地之宜去汙就

隆董工則始命生員義官終委民老而縣丞吳廷佐典史貝守
行亦嘗相與贊之至於大權一綜於己經始於癸丑十月完美
於丁巳鵬月明倫之堂分教之齋肄業之所揔二十九間皆甃
縵而灰素之雄偉周密繪藻彪炳中限以門三間美亦稱是惟
大成殿戟門仍舊則亦撤兩廡而新之復易櫺星門謀為二牌坊
以翼之他如祭器露臺解舍之類靡不畢備掌教又率諸生佐
文筆峯相對由是規模氣象倍徙疇昔絃誦之聲旦莫洋洋過
者咨獎觀者起敬以為前此所未有也掌教之同寅今國子助
教諸啟暨王冀何鏡俱先後協謀者相率走書徵言為記予謂
此舉太平士子固有過而師於此者尤有過焉夫太平久否之
地偶獲肯綮之師難乎其為功也矧有司所為常與教官牴牾
乎今張君作興庠校乃能俛從輿論如是不惟施教者得所因

而受教者亦有所栖止感發而變其故習宜其掇科有人轉否
為泰易易爾雖然掇科常事也佩服忠孝砥礪名節實

朝家建學立師之意亦張君始終振作之心太平士子其勉之如

潮人之於韓子蜀郡之於文翁蘇湖之於安定庶幾乎無負後

之良有司尚其以張君之心為心嗣而全之俾允教于此者亦

得以賜等之心為心也然則茲學之興其可量乎張君名瀚字

克容惜財便民量時度力多美政也用

天官薦取大用有日矣脩理學宮蓋其能事云

大明弘治十一年戊午歲六月初吉立

董工生員李瓚

中乙卯奉

義官汪靜明

老人方百里

項

塾

項焜

鐫工

程奎

七里西峯堂記

在石埭縣

拓本高三尺二寸廣一尺六分正書
二行行四十五字字徑六分正書

七里西峯堂記

七里西峯堂蓋古石埭之縣治也因兵變轉迂而遺跡尚在當時
故老以西峯之神靈有禱即應無求不報而福祐於吾民仁且厚
矣故立堂於茲以奉祀焉成化癸卯歲耆民桂寄宗桂賢宗一旦
感而嘆曰堂之窄少何以爲神靈之所依於是首倡募財竭乃心
殫乃力創立於堂之後則有殿宇焉規模貌象殆非往日比矣弘
治丙辰歲桂賢宗與夫弟桂富宗及夫寄宗厥子桂英桂茂以爲
新創於後者固爲可觀舊立前者不無所損慨然協心又從而募
財以修理之見焚香之無炉也則鑿石以爲之炉念化□之無磬
也則鑿石以爲之磬內外煥然前後一新嗟夫義施於幽隱也如
此則明而在人也可知誠及外神也如此則內而祖先也可知若

斯人乎其賢而不易得乎然不可不記其事也故為書以遺之使刻諸石而垂諸後

西保社施財信士 桂潮安 桂福安 桂鎮安 桂富祖 桂

祿安 桂玄保 桂口宗 桂善保 桂福口 桂明安

桂福興 桂壽興 桂玉宗 桂啓宗 桂添宗 桂昆宗

桂口口 桂口至 桂永蘭 桂永聰 桂永茂 桂

永蕙 桂義保 桂付宗 桂昱宗 桂缺下

班斤保社施財信士 曹永宗 唐勝宗 桂全宗 唐明宗

曹四源 缺下

南興保社施財信士 桂宗源 唐潮宗 唐榮宗 缺下 桂潑

宗 吳景緣 桂童安 吳啓宗 口軒宗 缺下

忠興保社施財信士 桂新宅 桂文勝 缺下

休寧縣五都良安鄉群賢里 □ □ 上村 缺下

振珠社施財信士 □ □ □ 桂富宗 缺下 桂 英 缺下

府學生桂 茂 缺下

弘治十六年歲在癸亥孟秋月吉日

賜進士第中憲大夫雲南按察司副使奉

勅提督屯田致仕同邑李廷璋書

廬江劉侯興學記 在廬江縣

拓本高五尺八寸廣二尺七寸五分行五十三字 徑九分碑前下截題跋十行字徑五十分均正書額佚

廬江劉侯興學記

賜進士第朝列大夫南京國子祭酒前翰林侍讀學士 太子左

中允兼史館修撰

經筵講官穎川賈詠撰文

賜進士第通議大夫南京戶部右侍郎前都察院右副都御史奉
敕總理南京糧儲巴渝蔣恭書丹

賜進士第朝列大夫南京國子祭酒前史官弋陽汪偉篆額

上御大寶之九年為正德甲戌汝陽劉君夢熊字伯祥者以名進

士來知縣事下車謁廟顧惟學制傾圯深用悼息而曰學弊甚

矣政將焉出况神棲靡寧而士亦何所止乎風化之類有以也

責將誰歸遂慨然以為已任越明年政通財裕圖惟興作諏日

告廟人神胥悅乃次第撤而新之殿廡以崇堂齋以闢號舍以

拓門垣池泮以築以鑿他如觀射有序鄉賢名宦有祠庖淄器

用有次皆極繕理足侈前美而改後觀也嗚呼盛哉其度工經

費鳩材程役規畫形制延袤高下周匝廣狹輪飾奐彩之文與

夫創繼顛末則翰林學士李君夢弼記之詳矣茲故不贅又明

年學成而侯適去厥功在人可泯乎哉於是教諭譚君文伯訓
導張君鳳翔江君紀以太學生姚鍾生員□坤劉伸等走幣南
靡請予記諸石亦以識思予惟學校之制非獨養才風俗之淳
漓政治之隆污繫焉其政罔修則教化廢而不舉人才風俗隨
之以靡政治寥乎其無聞矣故曰學政之本也其興與否則又
存乎其人焉耳若曰簿書期會以就功名視此漫不加意斯固
俗吏之爲矣惟良有司則不然劉侯始政遑遑爲之可謂知所
先務者矣抑亦多士維新之會廬江之盛之始歟不可不紀夫
士必有所感而後能興繼自今游是學者登堂揖遜見棟宇峻
起寧無思吾之日新與之同高明乎齋居從事見門突靜深寧
無思吾之富有與之同廣大乎退而號舍之肄習食而廩餼之
豐腴寧無思所以進修以仰副儲養之至意乎又進而瞻禮廟

庭周旋俎豆寧無思對越之敬奔走之誠乎是皆劉侯之功雖
欲泯不可泯者士能已於思耶雖然思則感感則奮然有爲其
德若業益臻其盛矣故曰維新之會也多士其勉乎哉士之學
譬若廟學然士之自修譬若有司之修之也獨不觀廬江之宮
墻乎因之者易而作之者難廢之者久而舉之者必待其人則
吾之自修得無勤不勝情而或陷於廢棄者乎是固不可以不
勉也誠知勉焉則賢才益出風俗益淳治化益隆他□稱廬江
之盛者必曰自劉侯始庶幾無負且無愧多士其勉乎哉劉侯
惠政在民不可殫述民之思之猶夫士也此方論學故不□□
亦非斯記所能悉者然則劉侯其賢哉役始於乙亥之春落於
丁丑之冬相其成者主簿侯職典史徐銓吳嶽也併書爲記

嘉靖元年歲次壬午九月吉旦知廬江縣事新淦周良會主簿

紀恕 典史王福滕尚葛 儒學教諭譚文伯周鎰訓導張

鳳翔孫達胡淪江紀温陽和劉維翰 同 金陵朱茂鷄

嘉靖壬寅臘三日稷承乏廬江學諭周視殿廡堂齋規制惕然

而思及顧二碑仆堂北兩隅拭讀之喟然而歎曰宣昭前詔後

也哉合謀將豎之以舊 於躡龜國學生徐君鑰遂出金命工

求石稱其材特省其制移置戟門外左右楹始屹如也時計去

脩廢凡三十年劉侯歸已二十有七年石載文而卧者二十有

二年稷來又十越月迺有豐瞻噫廢興墜舉固各有時而時之

相值亦自有其數也邪癸卯歲秋九月會昌劉稷謹跋并補二

篆

廬江知縣朱時叙 典史張俊

訓導江溥 生員劉後 胡

藍衿

劉恒

王度全

口

教諭王淡

柳君墓誌銘

在壽縣北三十里下蔡鎮

拓本未見據
壽州志錄入

缺年缺之缺貯陽缺奸剗卻化行政舉邑習改觀士民頌之曰缺

喜歲大旱公引咎自責竭誠齋祈一雨三日歲告缺下後又營繕

學宮修理城郭建立司院積貯缺平反學士大夫悉撰詩頌教諭

史贊堯采集成缺有遷喬之議公已決乞骸之志矣冢宰許公缺

約朋儕恣情泉石彈琴醜酒若將終身焉嘉靖二缺氏生子二長

曰子揚郡庠員早逝娶李氏孀居守缺承先業娶袁氏繼娶趙氏

女一適庠生孔禧孫男缺子振所出享年七十有三以是歲十二

月十一日附缺偕其友叩庭稽顙徵言於予予惟好旌德且自少

尋銘銘曰缺淮山巖巖泚水渾渾靈鐘彼哲而雅而温缺澤門宰

邑弦歌解組琴尊幽光不泯缺在乾坤缺將無與存缺孝男柳子

振孫男柳史筆缺孝缺柳

此誌石剝落已甚殘缺之字難以數計而詞句可辨處事實略

存猶可想見先達遺風也壽州志

太平縣長壽鄉社碑在太平縣四區南庄鄉五顯廟

拓本連額高五尺廣二尺十四行四十字徑二寸均正書

太平縣

長壽鄉社

直隸寧國府太平縣為申明鄉約以敦風化事抄蒙

欽差總理糧儲兼巡撫應天等府地方都察院右都御史陳案

驗備仰本縣遵照

洪武禮制每里建立里社壇場一所就查本處淫祠寺觀毀改爲
之不必勞民傷財仍行令各該當年里長自嘉靖五年二月
起每遇春秋貳社出辦猪羊祭品依式書寫祭文率領一里
人戶致祭五土五穀之神務在誠敬豐潔用虔祈報祭畢就
行會飲并讀抑強扶弱之詞成禮而退仍於本里內推選有
齒德者一人爲約正有德行者二人副之照依鄉約事宜置
立簿籍二扇或善或惡者各書一籍每月朔一會務在勸善
懲惡興禮恤患以厚風俗鄉社既定然後立社學設教讀以
訓童蒙建社倉積粟穀以備凶荒而古人教養之良法美意
率於此乎寓焉果能行之則雨暘時若五穀豐登而賦稅自
克禮讓興行風俗淳美而詞訟自簡何待於催科何勞於聽
斷而水旱盜賊亦何足慮乎此敦本尚實之政良有司者自

當加意舉行不勞催督各將領過鄉約本數建立過里社廳

所選過約正約副姓名備造文冊各另徑自申報以憑查考

其舉之有遲速行之有勤惰而有司之賢否於此見焉定行

分別勸懲決不虛示等因奉此除遵奉外今將備蒙案驗內

事理刻石立于本社永為遵守施行

大明嘉靖五年二月十二日 太平縣知縣 立石

縣丞 典史陳 老人

宋儒范氏心箴 在廬江縣文廟明倫堂

拓本連額高二尺廣三尺四寸心箴十二行行九字字徑一寸一分後跋十二行均正書額二字直五字徑三寸篆書一

鳳翰

宋儒范氏心箴

茫茫堪輿俯仰無垠人於其間眇然有身是身之微太倉稊米參

爲三才曰惟心耳往古來今孰無此心心爲形役乃獸乃禽惟口耳目手足動靜投間抵隙爲厥心病一心之微衆欲攻之其與存者嗚呼幾希君子存誠克念克敬天君泰然百體從令

堪輿是指天地說無垠是無有界限宋儒范氏浚作心箴說道茫茫然天地廣大無有界限而人居其中便以太倉中一粒粟米天地這般大人身這般小人與天地參爲三才有非以形體而言惟其心耳蓋心爲一身之主吾心克正則百體四肢莫不聽其使令若心有一毫不正則被聲色所移物慾所攻便動與理反豈不於人道□□故范氏之作箴雖是常言西山真氏持錄於大學衍義之中以獻時君宋君雖未能體察而爲後世告其致意也深其用功也至是予所嘉慕而味念之箴之作本于范氏非真西山發揚其孰能之哉嗚呼念哉

按明史許進傳子誥嘉靖初掌國子監請於大學中建敬一
亭勅御製敬一箴注程子四箴范浚心箴於石帝說從之是
碑無年月當為嘉靖初頒刻於廬江縣學也

重修淮瀆廟記 在盱眙縣東北龜山本廟

拓本高七尺九寸廣三寸六分正書
行行四十二字字徑一寸八分

重修淮瀆廟記 嘉議大夫都察院右副都御史前總督潛運

兼巡撫鳳陽等處地方蘭谿石唐龍撰

洪濛既分震盪匠定天下之水播為四瀆所以平準五行綱紀

八維滲漑九野潤澤萬物胥于是乎在夫淮其一乎而與江與

河與濟廝流合源並形區域者也淮出於胎簪由桐栢而導之

扶馮水而中注于泗距泗之盱眙東北三十里龜山隆而起延

首曳尾豐背而踞跗束其瀾以輸之東海不激不悍不軼不溢

民享其利而亡其害是山又淮之鎮也山有淮瀆廟不知祀者
何神經云禹治水三至桐栢獲水神巫支祁形猶獼猴力踰於
九象命庚辰扼而制之鎮于山之足淮水始安夫神豈庚辰與
抑公羊子曰山川有能潤于百里者則秩而祭之淮潤不啻百
里可知已無亦妥諸淮水之靈哉或又曰支祁之宮在是尔夫
山妖水怪直惟驅之而已豈可宮邪其誕明矣歲月滋久廟日
以圯水且失其故道汎焉湯湯焉灌于沙陟五十二河湖害未
已也嘉靖己丑春鳳陽府知府曹子嘉率知州袁子淮登山之
巔以省厥菑憮然歎曰惟廟不稱神居水之用溢無乃神弗相
與民溺已溺則何忍時子方撫蒞茲土侍御史徐子錦亦以行
部至亟以工告而咸是之知府知州與盱眙縣知縣朱鸞各捐
金以經始其後庶民于于而集越四十日用告厥成子已還

朝攝臺事知府知州輕數千里而以文請予惟神以庇民國以事
神庇民弗至有神之羞也事神弗虔有官之責也况兹水患間
殫為河民其免矣乃悍然莫之省憂乎今日之後為民之故以
徵惠于神庶幾神之居歆御災捍患曰急厥職矣譬若嬰兒有
疾其母徧索鬼物而禱之情之至也即嫵于媚奚恤上之不忍
吾民猶父母之不忍吾子也是故憂河決者乃沉其玉閔天旱
者靡憂斯牲率用此道尔矣其書之也則宜知府廉直慈惠知
州潔己愛民其所善政咸泐泐然以興夫工特取節云
嘉靖

庚寅孟秋既望建

灑陽吳羽正書篆
陽王官刊

查城忠惠祠記 在石埭縣

拓本高四尺二寸廣二尺四寸
三行行四十八字字徑七分正書

查城忠惠祠記

大凡事之興廢數也有廢而終不能廢者天也紀之者人也吾黨村曰查村里曰查城而廟號亦如之非誣也審矣然自查公諱品具瞻者丁唐季世以刺史守宣池二郡乾符間黃巢寇及涇川率兵堅拒居民案堵家衆墮於行間者詒以訃聞舉族赴死如飴公亦因而□焉當時□其德者憫節旌忠葺祠以崇祀之配以邵郝林李又以韓葛侍焉至元末兵變適罹燹阨凡公遺蹟遂泯其傳殆必有數焉默行乎其間及我

太祖高皇帝御極之初吾宗曾祖汝祥公率先黨人營其遺址築祠以續其祀水旱疾疫凡有求必禱焉弘治甲寅歲宗叔祖文奎文恭二公偕宗伯曰軒曰聰曰銓曰禎與後黨人數其鄙隘復啟其基廓其宇奐其塗丹廟貌巍莪可以妥

神靈矣今年以楹蠹易礎以謚諱樹枋以傳泯刻石而一
倡百和翕然就緒世凡幾易人心如故是廢而終不能廢
者非人力所致竇天授公也觀長以落成之旣扁祠忠惠
請予記予以委身殉國曰忠澤沃于民曰惠公也蒙難弗
辭其即委身殉國之謂禦寇衛民其即澤沃于民之謂况
一門死節是盖公之精忠所致至今有禱必蔭亦盖公之
後惠所遺者也以忠惠躋公名寔稱其情也夫奚歎雖然
猶未徵於君也彼勞定國捍大患而祀於大蒸國之典也
公亦宜然其不然者何哉噫非惟典秩者過也抑亦天亢
吾黨而繼公者艱其人於文有未考也嗚呼前無所傳故
予無所受今予無所記則後文將何述耶予固志於道者
非樂其誕也盖聞諸父老之言則刪其誕而錄其之於理

者于石以俟後之有所稽者云

讚曰 英風凜凜 義氣行行 中原沸沸 一掃

蕩蕩 精忠耿耿 惠澤盎盎 芳聲馥馥

萬古彰彰

昔

皇明嘉靖庚寅秋月既望之吉

安庠鄉人沈潛用之撰

龍巖庠生沈容恭震之讚

龍巖後學沈深恭口之錄

住持道士沈守欽思安募

勸緣信士沈潛恭見之助

新安歛邑匠人吳社彪刻

崇禎元年冬月吉

信士沈大銑重修

募化道士沈通怡

攬秀亭記 在滁縣瑯琊山

拓本連額高六尺三寸廣二尺四寸五分十字八行行四十字
三字字徑一寸二分正書額二行行二字字徑四寸篆書

攬秀亭記

攬秀亭記

南都太僕寺舊有滁云澶淵近山趙公以上卿而來也上下瑯

琊之山歎焉曰茲昔賢讌遊地耶顧往跡就湮今惟荒臺斷刻

□矣已迺即山之遺址小亭焉□□□□吾藉是以洩寤寐

之懷乎時廷立暨太丞丹厓張君讓古巖朱君□芳皆在焉踰

日再往亭翼然矣山左右抱谷口諸峰相對峙其他虛者為洞

立者爲石森森者爲林木淙淙者爲流泉各著其狀環附于亭
谷外□□□其下渺若黑子極目東南不可窮矣公曰信乎
歐陽文忠之言乎望之蔚然而深秀者琅琊也登斯亭者諸秀
可攬矣乃名其亭曰攬秀廷立曰奇哉琅琊之遭乎前有醉翁
亭茲復有攬秀亭矣彼琅琊之外謂無山耶所遭不若是雖秀
無稱也今夫樵者日趨于山而無樂于山漁者日至于海而無
樂于海此豈山海之故哉其人之志在於獲焉而已矣文忠之
知滁也自龍圖直學士出也何樂乎琅琊富貴不入於其心也
如使富貴入於其心亦猶漁樵者之於獲也則視琅琊爲寂寞
區矣奚樂焉公翰林吉士爲都諫爲納言今上卿皆畢秩也然
古者僕臣近君而今也遠矣側聞公曰吾方懼夫塞淵之爲難
而庸知夫吾身之爲遠哉是故文忠之樂公亦樂焉殆殊時而

同情者也文忠文行功業震耀一世而公也以鴻裁駕文囿以
謹言稱

上意以直節鎮□薄故能不假援引而宦業日崇要其方來未艾

也而豈出文忠下哉殆異世而同功者也由是觀之則天下□

世不有寤寐乎公者如公之於文忠耶茲亭也其與醉翁亭共

稱而並存也諒矣嗟乎天下之不爲漁樵者□寡矣瑯琊之遭

不於世之所常有而於世之所恒少不謂奇哉是日公賦攬秀

明日諸君則各賦詩頌焉廷立爲之記公名廷瑞臨文得僭書

嘉靖丁酉季□先立春三日

賜進士中順大夫南京太僕寺少卿前提督北畿學□監察御史

楚通山兩厓朱廷立撰

石埭縣新遷儒學記 在石埭縣文廟

拓本高五尺七寸廣二尺五分行書額二十三

石埭縣新遷儒學記

賜進士第南京吏部考功司郎中前署九江教授攝白鹿院武

進薛應旂撰

池州府石埭縣儒學訓導慈谿馮光浙書并篆

天下之始忽在人才人才之盛衰在學校今學校徧天下而教

養料貢咸有規制至論人才盛衰之故與學校之養士而士之

所以自養者則猶若溺於習聞鑿見而切近精實之理則或漫

焉而未之究也雖然宣難知哉仲尼歎才難而旃虞周之盛及

攷其數則惟五人九人焉爾矣然則其所謂建官維百與夫三

百六十屬云者亦或未免於具臣充位而其所以為盛衰者冒

嘗在於多寡間耶石埭為池州屬邑舊有學在邑之南正德間

溪水漲決日就傾圮科第鮮少垂三十年嘉靖乙未邑令鍊君
炫覽邑相攸得崇壽寺址議將改建甫即工而炫去迄無就緒
歲丁酉楚靳馮公以侍御史督學南畿蒞池陽以棟學詢諸生
遂申命有司以終前業邑令何君怡徐君之麟先後副公之命
且闢地以廣其址於是殿廡堂齋門亭祠閣牲庖燕射臺池舍
館圖書器用諸所有事靡不次第肇新癸卯春厥工告成於是
諸士之業於學者樂育振奮科第接踵邑之士人或謂學有徵
矣先是馮公以養病歸甲辰奉

命再至邑令黃君鑿訓導馮君光浙以學未有記告諸公公命諸
生蘇植李璧詣薛子請記薛子嘗與聞教事不敢辭避乃為文

以諭諸士曰古者王宮國都以及州閭族黨莫不有學士生其

時自幼至長未嘗一日離於學而其所以為學者始於離經辨

志終於強立不反其間有詩書六藝之文有絃歌洗爵俯仰升
降之節有祭祀鄉射賓興養老之儀有進材論獄出兵受成之
法而其大要則務使人各復其性而正其身雖有剛柔緩急昏
明厚薄之異皆進之中而無過不及之偏惟是不越乎一心之
微而萬事萬物之理已具不越乎堂戶之間而四海九州之業
萬世之策已定及出而經世理物體國序民立均出度則隨所
施為無一不可投之以常變順逆而裕如臨之以禍福利害而
不動蓋其素所學者然也迨去古逾遠先王之制盡壞師之所
教弟子之所學不免溺於文辭利祿之習而其矜以為能誇以
為榮者鮮不以發策決科為事而聰明朴茂之質日就澆漓其
於聖賢大學之道率視以為迂而言論不及間有及之者則又
緣飾文奸作偽欺世而非明德親民之實學矣何怪乎斯民不

復見三代之治也哉乃茲埭學之遷督學公倡率於上邑令諸君後先相成於下凡以不安其陋也爾多士歲脩游息於此又忍安於陋哉其必力去俗習務追古學舍舊而新是圖煥然為斯學增光者要不專在於決科之利矣夫地以人勝人以道勝鄒魯濼洛關閩亦九州一隅之地耳何獨勝於天下哉蓋必有所以由也且不觀今日東南諸郡邑固有每舉各不下數人者而西北之河津高陵其科第可以指數乃獨隱然為天下重嗚呼茲不可以觀耶馮公名天馭字應房學者稱為午山先生經道緯文執儀憲極蓋名督學也旂故於斯學之記顧以就正而因以進埭之多士焉

嘉靖乙巳歲冬一陽月立

池州府石埭縣知縣黃瑩

儒學教下

滁陽盧氏祠堂記

在滁縣

十拓本高三尺五寸五分廣二尺二寸
一行行四十字字徑八分
行書顏休

滁陽盧氏祠堂記

湛子曰以吾觀於祠祀而知王道之易易也祠也者嗣也嗣繼

養也祖考之□逮矣故祠祀以養之事死如事生事亡如事存

死亡者猶養而況生存者乎故生死有養則禮義可興禮義可

興則風化斯溥人人養其親人鬼安和氣順而天下平矣百姓

不親則五品不遜王假有廟所以為萃聚渙散使相親睦也甘

泉子已立大宗小宗之祠創家訓以垂子孫同居合爨以收其

心而使之同矣癸丑冬有盧氏子守益者不遠四千里而來與

其兄提□守愚之意告曰益滁陽人也承祖宗之舊不分居合

爨者四世矣有先人之教祠在焉惟先生賜之教將鏡于石以

不忘甘泉子喟然嘆曰有是哉有是哉吾方欲與天下人人同
之詎意盧氏先得我心之同然乎請益曰夫祠祀之際其有思
乎昭穆之序自其身而推之而吾考而吾祖而吾曾高始祖其
初一人之身耳則孝心油然而生矣□吾身而推之而吾兄弟
而吾從兄弟而吾三從四從以至於遠兄弟其初乃一人之身
耳則敬愛之□藹然而生矣曰祠祀孝敬之典則吾既得聞命
矣敢問此心之所以合於王道者何居曰合黷之際其無思乎
思吾粒食皆吾祖吾考之遺也思吾茶羹皆吾祖考之遺也能
忘孝敬乎士者曰吾所肄業書籍皆吾祖考之遺澤也出必告
曰某今從某政不敢忘祖考矣反必面曰某俸祿若干餘無私
入焉必以納諸公貯矣某也無公私之過某也罪非已致人註
之夫何慙於祖考乎農者告曰某畝某田得穀若干必以納公

倉矣工者商者告曰某也不敢淫巧受若直怠若是矣某也不
敢騰若價飾若貨器□上玷吾祖吾考有則殛之若是者孝第
之心□于神明放乎四海無所不□禮義其有弗興風化其□
弗溥乎故曰吾於祠祀而知王道之易易也遂叙其語為記以
歸廬氏并示吾子孫於無窮焉

嘉靖三十三年歲次甲寅五月廿九日

賜進士出身資政大夫前南京兵部尚書奉 敕忝贊機務國子

祭酒翰林侍讀同修 國史

經筵講官 賜一品服增城八十九甘泉翁湛若水撰

前翰林院待詔將仕佐郎兼修 國史長洲文徵明書并篆額

梁元壽刻

蒲溪王獻堂墓誌 在南陵縣蒲橋鎮

拓本高一寸三分文十廣一尺六寸中題蒲溪明故王公璪堂八字
字徑一寸三分文十廣一尺六寸中題蒲溪明故王公璪堂八字

蒲溪明故王公璪堂

先妻何氏慶貞

妻葛氏貞

嘉靖己未年既望蒲溪王子武與其弟槃捧幣至武槃

於我先父八月二十四日陟遐

已念先君存日夙興夜

詩書茲而

子以金未必其能守遺子以田未必其能耕使二君

以上在右旁

先業

二君安乎何公初娶何

男

□誌□乃為之缺下

嘉靖歲

□□□

孝男王

磐武

孝孫王

燭煥

焜

四老堂記

在滁縣

拓本高一尺四寸廣二尺八寸
行二寸十字字徑七分書

四老堂記

余束髮有四方之志謬謂經世之業可應手而就入仕為南文選

郎尋有先少卿公之憂再召為驗封考功郎蓋十三年而為南光

祿少卿又五年而為南太僕少卿余髮已種種矣追憶少年之志

大而無當所謂四五十而無成者非耶太僕署故設滁南郊亡

交際馳逐揖讓之節俟候饋遺之勞而滁俗又長厚其人無不布

袍茹菜訥言質行士若農率無思致機械吏胥亦鮮合案牘式程

直任已行一意耳余暇時輒引諸生談佔俾句讀記誦分驪黃別

牝牡併授以雕虫真詮可命為老儒每公牘即群諸掾而諄命之
迺諸掾奉案者馳而左執簿者趨而右吾後中考定其體格而要
刪焉可命為老吏滌農情投種于地臥而伺穫余欸欸為語桔槔
錢鑄坊堰之制開墾潄洩種耨之方諸農自謂莫余若也可命為
老農畧多隙地余取私室右方而垣之與隸老而慎者課之界畦
畫瓏分四時之蔬而蒔種之又遠室□皆築甬道口達于環山樓
樓峙圃中圃可三二畝木高者數十尋又多桑榴梢竹櫻桃梧杏
蓋西圃以藝蔬東圃以舒嘯可命為老圃夫四者其事至瑣尾均
之不借於大道經世者不道也壯夫不為也余固安之晨而作夕
而息熙熙乎不知老之將至也乃夙志安在哉然夙志忘則事益
省念益寡且將無一事矣無一念矣老焉可也除人士愛余術卑
卑甚甲之不敏吾釋余亦愛除人士詳玄詞魏台吾之瑣尾者獨

得行亦甚狎之不能滌人士釋惧其久而莫有明吾志者因以名

吾堂特喜而記之

嘉靖四十一年壬戌仲夏兩溪山人南昌萬恭書

千人勝會碑記 在南陵縣千佛寺外

拓本連額高七尺三寸廣三尺八寸計八行五十九字

千記三人勝會碑五字字徑五分雙鉤篆書下列題

西佛記

千尺勝會碑

賜進士第中憲大夫陝西提刑按察司奉

勅整飭潼關等處兵備副使繁陽紫崖徐貢元撰

南陵崇教寺舊在縣治之東邑庠士子愛其山川之勝以學基易

之廟宇更新佛修於蒲山石東佛於邑陳而西佛尚

缺沫之□諱□□畫□家之賞以爲之而苦於力之弗逮也迺取父
灼心涅一佛字募千人緣得百餘金以□厥志而三佛像□□大
佛一而已後人神其術立廟祀之分列三像甚至有三千諸佛之
說恐未盡然要之歷千百年至于今廟祀不廢疑必有神以行乎
其間者矣矧其教以慈悲為主而殘忍刻薄者不相為謀維茲千
人吾不知其詳大率類陳子之好善其聞風興起而樂於捐助直
爾也嗟夫一人好善一人之心一佛也千人好善千人之心皆佛
也方今梵宮神像甲於江左賢士大夫之聚樂恒于斯遊人過客
之燕息恒于斯觀陳子之倡義則知人性之本善觀千人之樂助
則知人性之皆善苟移其所以信佛者而篤信吾道焉則今之佛
地固昔之聖域也其於風教未必無小補云予故為之記

東門劉潛男

劉□

劉洪男

劉□

劉□

劉□

劉桓

劉□

劉邦

慵劉邦本劉邦泰劉邦儼劉邦隆劉邦效劉邦敦劉邦康劉

維賜劉維芳劉維□劉維□劉□□

王□王秋王遠王佳王封王培王地王均王□

王站王拾王□王珞王之宗王宗禹王喬王燠王烘王

世俊王桓王世曜王世□王世□□保王仕魁王仕政

劉廷富劉光祖俞天祥徐民董□曹春

葉□曹氏女五大秀葉昔孫氏王滋錢曷汪標汪杉葉

□葉□葉淙汪一□葉冲方□王恩蔣銀葛氏朱□朱錠

□胡□李時楊廷正趙廷賁□□□□

管世□管世傳管楷管楊管槐管栢管□管一鵬管一

□管一鳴管一麟管一恕管一誠管加謀管幹管義章

坤□□章乾章榮□子昆□鎖

俞口 俞口 口口 俞杲 俞口 俞口 俞口 俞口 俞

口俞沛俞澧俞口俞口俞滯俞新俞采俞梅俞相俞口俞佐

俞義口口俞桐方廷口葛滔華銓

俞世口 劉口 劉口 劉鶯 何琬李氏何口何垆何堯

何口何湧何口何口雷木雷子榮 周滋王氏周森周口李

佑謝口方倫孫彬何口李教王化彭祿葉積四謝材 張沛

戴口 戴窰 戴口 戴垆 戴鎖 戴汝明宋氏戴世灼

戴世口紀口口 紀貞口 何顯王塏陳鳳鄧海董帝標董

秋菊董乾口董坤直何氏李林 余鶴 張淑

馬炳 馬口 馬維元江棟 江鐘 俞俊 俞鑑劉氏

俞楊 俞秀芳 俞口 馬維貞馬奎朱伯梅 徐口徐廷

爵周鳳 方口蕭文東 周廷本 王錫 胡清

□ □ 余鎮 余鉄 余鏡 汪曄 汪文瑞 汪 □ 汪 □ □

汪湖 徐孔一 □ 鈞 俞文煉 陳鈔 戴 □ 洪 □ 張 □ 張梯

張 □ □ 張術 張壕 張幹 王閏 查憲章

汪溥 汪瀚 汪潛 汪溱 汪良弼 汪良杲 汪良材 羅

□ 羅廷憲 羅廷 □ 吳世萬 羅 □ 胡焯 胡棟 郭宗仁 張昱 程棟

吳大清 □ □ 貴朱宗 鎬 鄭岩 吳曹珊

張阿劉氏 孫張茂 惠吳宗 澤杭氏 吳柯徐氏 吳宗登

吳宗沛 沈氏 張份 袁 □ 張義 張漢 何虎 徐順 四陳氏

嚴栢章 廷昂 □ □ 徐科

周梁 周 □ 周楠 周曉 周姻 周世祿 周光 周佩

曹必達 梅朴 何鑽 沈華 郎澤 郎朴 萬宗 勝 萬仁 吳甘

仲富雷 轉 □ □ 廷華 陳世華

趙廷 □ 趙廷 □ 趙廷幹 趙廷濠 趙廷乾 趙廷傑 徐氏 趙廷

爵趙仕典 趙任貢 趙仕証 趙仕諫 趙仕彬 趙仕元 趙仕德 趙

仕庶 趙 □ 趙文 李 徐 梗 萬 賈

羅廷 □ 羅廷栢 羅廷梁 羅廷棟 羅文達 羅文科 夏 梗 葛氏 汪

紹徐氏 張東 胡進 楊廷榜 秦惜 張四 鮑 □ □ □ 文 程

世貴 王松 陳世榮 朱氏 姚文祥

劉 □ 劉文禮 劉文爵 劉文英 劉文庶 劉文道 劉正元 劉乾

元 劉奇 元 邵 恕 李 槩 李 景 洪 李 景 華 李 景 恩 崔 林 徐

廷 燧 盛 秀 李 景 方 胡 仕 美

牧 □ 牧 焯 牧 燮 牧 烜 牧 炎 牧 添 錢 廷 相 鮑 氏

蔣 富 七 錢 廷 瑞 余 □ 文 氏 張 山 氏 何 琢 陶 龍

昌 祥 牧 盡 童 □ 保 萬 廷 榮

畢暄 畢昱 畢皓 王鷲 王鷲 王承乾 汪宗 汪標

汪廷恩 汪廷貴 羅賜 熊潤 李 王 志 榮 張 貴 文

煥 凌 吳 大 壽 王 流

黃棟 黃寄壽 許斌 余志芳 王虎 周招 李柯 袁慶

黃福山 王鐘 徐華 四陳 廷佐 錢欄 周文明 胡

江 方 永 袁 世 明 羅 室 張 燦

沈槐 沈廷 沈廷 儼 沈廷 位 沈廷 儉 沈廷 沈 棟

李松 馬鞏 俞長 喬 蘇 世 高 張 元 朱 廷 玉 孫

楠 孫 榜 凌 鳳 戴 張 鏜 張 鈿

許珮 許 許 許 許 蘭 芳 許 永 魁 許 永 和 許 永 煥 周 梯

郎 法 吳 科 徐 桂 劉 傑 曹 祿 萬 宗 禹 何 橋 何

吳 萬 燮 楊 文 政 饒 饒 烈 饒 勳

邵恩 姚曷 姚渠 姚淑 姚江 姚湛 姚 姚榜

朱鳳 朱沛 霽 汪祿 章廷憲 吳邦奇 張柯 張

才 張杲 趙 朱岩進

陶 陶本 陶晞 陶泰 陶曇 陶景 陶昂 陶晃 陶館

陶光祥 祖陶榜 陶光祿 陶光祚 陶世显 陶杲 陶梧 李

文襟 李文裕 徐玉環 董 桓 張幹 李務 朱汀 徐穗 趙氏 鍾魁

潘澤

萬文 萬文忠 董氏 孫文美 陶曙 孫 陽 孫虎 陶世

顯丁馬 張星 汪海 管保 游正 瑞 雷國相 丁書 徐

煥 何長 范 張

管槐 管相 管楠 管釗 盛桂 張廷佳 吳梓 吳守仁 趙岩

周景良 周興賢 潘展 徐文幹 徐思賢 許宗儒 章亨 盛椿

吳璽周廷鎮汪口華銀

王佩施文王涇王潮王津王文煥王椿王潤徐玉

王沛王潞何佩何祿何瑜何昆胡椿朱政徐廷璿汪

汪瑤嚴琨

李璞李堂李棟李南紀氏李梁李森李榜李淵李煥

李本李權李虎李標李佩李倫李崇銀李超元李長元李

廷富鮑坤山余瑱高文淪

朱棫朱廷松朱材朱汧朱煉朱堯陳氏朱廷

賢朱廷爵朱廷節朱廷烈朱廷化張浦朱朱仁朱

珮朱修朱儀

陳珪陳鑑陳旦陳鏡男陳大明陳鏞陳口陳鎰

陳口陳冕陳漢陳天祥陳天賢陳天性羅玆羅

廷煥陳氏 劉尚華王文祥陳志瀛陳友標 萬年興

沈湘 沈椿 沈杲 沈澣 沈枝 沈文彬 沈松 沈廷

儒揚鉅 湯廷棟潘氏 湯子思湯廷憲湯子忠董 曹

鍊 何廷榜 徐氏男陳久名

龔蘭 四龔鎮 龔銘 龔鏜 許 劉汝選劉 王燁

□李世山孫世科張獲麟周棟 凌格 劉汝璧程四 潘

良民楊廷富

陳柯 陳朴 陳燈 陳煥 何 李楠 金本雲金龍

羅滾 龍邦鎮史法 史恩 秦烈 楊福 陳濠 龔

鎡

何治 何 何滾 何漕 何汶一章麟 章鳳 何汝

曾何書 詹祿 施訓 劉光淑林鳳 何廷瑾何銓 何

煜 □ □ 杜桓

方燁 方 □ 方炳 方煜 方淑 方濠 方沐 方沛

方燧 劉倫 劉景 吳鳳 李桂 朱天錫 董浩

方价 方 □ □

蕭世元 趙桂 張信 李鈿 鏞 朱虎 鄧氏 金廷 端 金廷

爵金 廷 玉 陶喜 謝汴 紀祖 沈延

汪 □ 方燻 方錫 何希文 江鵬 劉氏 葉子英 錢正

□ 錢正 消 孫炳 程鏃 □ 懋 朱虎 吳氏

許漳 張鎬 孫愈 高 孫措 孫柯 孫稻 孫 □ 孫 □

孫燭 孫宗 廷 孫宗 杞 許龍 表松

盧文 瓏 錢金 錢錄 梅鈿 谷昶 谷邦 獨 盧權 盧棠

盧梓 盧燁 梅奎 梅世洪 錢相 錢梅 錢林

董丹

大明嘉靖四十二年歲在癸亥冬十二月

吉旦

賜進士第中順大夫知府羅汝芳

賜進士第文林郎知縣郟永春

縣丞戴珍

主簿徐師古

訓

導熊吉

典史陳興鳳

庠生周珪

周桐

周以棟

周以

模孫洛

額書丹邑人

糾首陳洪

助緣陳沐

南

京募化僧明月



